



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱԿՈՒԾԻ ՄԱՐԶՊԵՏ

Ո Ր Ո Շ Ո Ւ Մ

18 մայիսի 2022 թվականի N 158 - Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱԿՈՒԾԻ ՄԱՐԶԻ ԲԵՐԴ, ԻԶԵՎԱՆ,
ՆՈՅԵՄԲԵՐՅԱՆ ԵՎ ԴԻԼԻՋԱՆ ՀԱՄԱՅՆՔՆԵՐՈՒՄ ԻՐԱՎԱԿԱՆ ԵՎ
ՄԱՍՆԱԳԻՏԱԿԱՆ ՀԱԿՈՂՈՒԹՅՈՒՆ ԻՐԱԿԱՆԱՑՆԵԼՈՒ ՄԱՍԻՆ

Հիմք ընդունելով «Տեղական ինքնակառավարման մասին» Հայաստանի Հանրապետության օրենքի 96-րդ հոդվածը և Հայաստանի Հանրապետության տարածքային կառավարման և ենթակառուցվածքների նախարարի 2022 թվականի մայիսի 2-ի N 15-Լ հրամանը՝

որոշում եմ.

1. Հաստատել Հայաստանի Հանրապետության Տավուշի մարզի Բերդ, Իջևան, Նոյեմբերյան և Դիլիջան համայնքներում 2022 թվականին տեղական ինքնակառավարման մարմինների լիազորությունների իրականացման նկատմամբ իրավական և մասնագիտական հսկողության ժամանակացույցը՝ համաձայն հավելվածի:
2. Հսկողությունն իրականացնել ղեկավարվելով Հայաստանի Հանրապետության տարածքային կառավարման և ենթակառուցվածքների նախարարի 2022 թվականի մայիսի 11-ի թիվ ԳՍ/20.1/11647-2022 հանձնարարականով ներկայացված՝ համապատասխան ոլորտի պետական լիազորված մարմնի և իրավական հսկողության բարձրագույն մարմնի համատեղ իրամաններով հաստատված հարցաշարով:

3. Մասնագիտական հսկողություն իրականացնելիս անհրաժեշտություն առաջանալու դեպքում աշխատանքային խմբում ներգրավել նաև մասնագիտական որակավորում ունեցող այլ անձանց (համաձայնությամբ):
4. Աշխատանքային խմբի ղեկավարին՝ համայնքներում հսկողություն իրականացնելուց հետո 3 աշխատանքային օրվա ընթացքում, իրավական հսկողության բարձրագույն մարմնի կողմից հաստատված օրինակելի ձևին համապատասխան կազմել արձանագրություն:
5. Աշխատանքային խմբի ղեկավարին՝ հսկողություն իրականացնելուց հետո մինչև հաջորդող ամսվա 15-ը Հայաստանի Հանրապետության տարածքային կառավարման և ենթակառուցվածքների նախարարություն ներկայացնել տվյալ եռամսյակում իրականացված հսկողության արձանագրությունները և տեղեկատվություն արդյունքների վերաբերյալ:

ՀԱՅԿ ՂԱԼՈՒՄՅԱՆ

18.05.2022



ՀԱՅԿ ՂԱԼՈՒՄՅԱՆ

2022թ մայիսի 18
թ Իջևան

Ա. ԳԵՎՈՐԳՅԱՆ



ԳՐԱՎՈՐԱԿԱՆ ՀԱՅԱՍՏԱՆ